

成
方
切
用

吳氏醫學述第四種成方切用目錄

卷三上

表散門

附方三十八

桂枝湯

疏邪實表湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

枝加芍藥湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

加厚朴杏仁湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

二麻黃一湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

桂枝湯

牡蠣

麻黃湯

麻黃湯

麻黃湯

麻黃湯

麻黃湯

麻黃湯

麻黃湯

麻黃湯

麻黃湯

三拗

大青龍湯

大青龍湯

大青龍湯

大青龍湯

大青龍湯

大青龍湯

大青龍湯

大青龍湯

大青龍湯

湯

小

青龍湯

小

青龍湯

小

青龍湯

小

青龍湯

小

加葛根湯

葛根湯

葛根湯

葛根湯

葛根湯

葛根湯

葛根湯

葛根湯

葛根湯

葛根湯

夏湯

葛根湯

葛根湯

葛根湯

葛根湯

葛根湯

葛根湯

葛根湯

葛根湯

葛根湯

麻黃附子細辛湯

麻黃附子細辛湯

麻黃附子細辛湯

麻黃附子細辛湯

麻黃附子細辛湯

麻黃附子細辛湯

麻黃附子細辛湯

麻黃附子細辛湯

麻黃附子細辛湯

麻黃附子細辛湯

湯升麻葛根湯

柴葛解肌湯

柴胡升麻湯

九味羌活湯

十神湯

神木散

白木湯

大無局方

神木散

許學士神

葱豉湯

連鬚葱

人參敗毒散

木散

九製蒼朮散

白湯

人參敗毒散

余廩散

確黃敗毒散

敗毒加黃

川芎茶調散

芩湯

連翹敗毒散

荆防敗毒散

川芎茶調散

菊花茶

調散

再造散

麻桂飲

大溫中飲

升陽散

火湯

方見瀉

藿香正氣散

方見瀉

大羌活湯

歸

葛飲

舉斑湯

犀角消毒湯

柴葛煎

方見嬰孩門

火鬱湯

見瀉

升陽散

火湯

見瀉

升陽散

吳氏醫學述第四種

門六周蘭九生庭

武原吳儀洛遵程輯

男

有榆蒼培同較
有杜雋望

成方切用

表散門

仲景太陽經風傷衛用桂枝為主藥
寒傷營用麻黃為主藥
陽明經用葛

根為主藥
少陽經用柴胡為主藥
此散表之
準繩也
後世宗之而用之有效有不效者蓋
不獨分經之末的并性味亦有未精悉也
凡用散之法當知性力緩急及氣味寒溫之
用得其宜無不妙也
如麻黃峻散寒邪桂枝
解肌緩散者也
防風荆芥紫蘇平散者也
細

辛白芷生薑溫散者也。柴胡乾葛薄荷涼散者也。蒼朮羌活能走經走溼而散者也。升麻川芎能舉陷上行而散者也。芎邪淺者忌。峻利之屬氣弱者忌。雄悍之屬熱多者忌。溫燥之屬寒多者忌。清涼之屬凡熱渴煩躁者喜乾葛而嘔惡者忌之。寒熱往來者宜柴胡而洩瀉者忌之。寒邪在上者宜升麻川芎而內熱火升者忌之。此性用之宜忌所當辨也。至於相配之法則尤當知所要。凡以平兼清者自成涼散。以平兼煖亦可溫經。宜大溫者以熱濟熱。宜大涼者以寒濟寒。此其運用之權則毫厘進退自有恰當之妙。又何必膠柱刻舟以限無窮之病變哉。

桂枝湯

仲景

治太陽中風陽浮而陰弱發熱頭痛

自汗惡風惡寒鼻鳴乾嘔

關前為陽衛為陽陽關後為陰營

亦陰。陰以候營。陽脈浮者。衛中風也。陰脈弱者。營氣弱也。傷於風者。頭先受之。故頭痛。經曰。陽浮者。熱自發。陰弱者。汗自出。風併於衛。營弱衛強。故發熱自汗也。衛虛則惡風。營虛則惡寒。白汗。則皮腠疎。故惡風復惡寒也。惡寒雖屬表。亦有虛實之分。無汗惡寒為表實。宜發汗。汗出惡寒為表虛。宜解肌。鼻鳴乾嘔者。風寒並舉。義重惡風。有音而作嘔也。喻嘉言曰。風寒並舉。義重惡風。惡風未有。不惡寒者。所以傷寒亦互云。及陽明惡風。後人謂傷寒惡寒。傷風惡風。誤矣。病脈遲。汗出多。微惡寒者。表未解也。可發汗。脈汗多。屬陽明證。以微惡寒。尚兼太陽。仍當從外解肌。斷其入胃腑之路。

桂枝

芍藥

生薑

甘草

三兩

二兩

大棗

十二枚

熱服。須臾啜稀熱粥。以助藥力。溫覆取微似汗。

不可令如水淋漓汗出病差停後服服一劑盡

病證猶在者更作服

喻嘉言曰妙用全在啜熱粥以助藥力穀氣內充

則邪不能入而熱啜以繼藥之後則邪不能留法中之法若此世傳方書無此四字驟失初意更有已透微似之汗蓋覆強逼致令大汗淋漓者總不知解肌為何義爾所以服桂枝時要使周身繫繫然似乎有汗者無非欲其皮毛間竅暫開而邪散也然恐藥力易過又藉熱粥以助其煖如此一時之久肌竅不致速閉則外受之邪盡從外解允為合法矣不識此意汗時不失之太過即失之不及太過則邪未入而先擾其營甚則汗不止而亡陽不及則邪欲出而早閉其門必至病不除而生變矣

周揚俊曰風既傷衛則衛氣疎不能內護於營

而汗自出矣。汗者血之液也。桂枝血分藥也。苟非以血藥入透營分。和營散邪。芍藥護營固裏。則不但外邪不出。且必內入而爲腑患。然後知和營則外邪出。邪出則衛自密。更不必用固表之藥。而汗自止矣。

仲景曰。病嘗自汗出者。營氣不和。衛氣不共營氣和諧。故爾。

復發其汗。營衛和則愈。此明衛受風邪。營反出汗之理。所以中風病治法宜桂枝湯也。好古曰。或問桂枝止煩出汗。仲景治傷寒發汗。數處皆用桂枝湯。又曰。無汗不得用桂枝。汗多者桂枝甘草湯。此又能閉汗也。二義相通否乎。曰。仲景云。太陽病發熱汗出者。此爲營弱衛強。陰虛陽必乘之。故用桂枝發其汗。此乃調其營氣。則衛氣自和。風邪無所容。遂自汗而解。非若麻黃能

開腠理。發出其汗也。汗多用桂枝者。以之調和營衛。則邪從汗出。而汗自止。非桂枝能閉汗孔也。亦唯有汗者宜之。若傷寒無汗。則當以發汗為主。而不獨調其營衛矣。故曰。無汗不得服桂枝。有汗不得服麻黃。以桂枝湯中有芍藥。故也。蓋斂汗在芍藥。不在桂枝也。李東垣曰。仲景治表虛。製此湯。用桂枝為君。桂枝辛熱發散。體輕助陽。芍藥甘草佐之。若腹中急痛。乃製小建中湯。以芍藥為君。芍藥酸寒。主收補中。桂枝甘草佐之。一治表虛。一治裏虛。又曰。以桂枝易肉桂。治感寒腹痛之神藥。如中熱腹痛。去桂加黃芩。

加白朮川芎羌活防風飴糖名疎邪實表湯 節菴

治同 陶氏製此。以白朮為君。以代桂枝湯。喻嘉言曰。坐令外感內傷。混同論治矣。節菴所著傷寒六書。盡易仲景原方。參合後賢治法。以代桂枝麻黃芍藥根。青龍等劑。後人以爲便用。

故世之嗜節菴者勝於仲景以節菴為捷徑以仲景為畏途節菴之書行而仲景之書晦如節菴者可謂潔古海藏輩之功臣而在長沙實為操莽也去芍藥薑棗名桂

枝甘草湯仲景治發汗過多又手冒心心下悸欲

得按者方中行曰汗多血傷而心虛動悸故又

能因疎慢之表甘草緩脾和中益氣能調不足

之陽則此方實收陰補陽之為用也不用附

子者未見惡寒也不加人參者不見沉瀝脈也

去芍藥屬陰也去薑棗無取辛散也故止用桂

枝二甘草一則固表和中兩相加附子名桂枝

縮合而與有薑者之立法遠矣加附子湯
加附子湯仲景治太陽病發汗遂漏不止惡風小
便難四肢微急難以屈伸方中行曰此亦太陽中風誤汗之變證夫

固表斂汗無出桂枝右矣而欲復陽益氣所以有附子之加焉。惡風為陽虛小便難為膀胱腑傷拘急難以屈伸因無津液以養此本桂枝證也誤用麻黃勢必至大汗而亡陽人身津液有幾堪漏而無已耶故以附子入桂枝湯中為固表回陽上劑去芍藥加附子名桂枝附子湯仲景治傷寒八九日風溼相搏身體煩疼不能轉側不嘔不渴脈浮虛而濇八九日再經之時既不傳經復不入裏者固風溼持之也煩疼者風也不能轉側者溼主重着也不嘔不渴無裏證也浮風也虛則汗後之不足濇溼也其脈正與相應然後知風溼之邪在肌肉而不其在筋節故以桂枝表之不能發熱為陽氣素虛故以附子逐溼兩相結合自不能留矣。此得之寒因此方即後條之甘草附子湯以薑棗易木之變制也去木者以寒本無汗不似風之自汗

而溼多也。用薑棗者。以寒屬陰。不如風陽之能食也。然去彼取此。雖少殊。而其所以散風除溼。則均爾。金匱之治風寒溼者。三方均用附子。其理附子。獨於傷寒兼風溼者。三方均用附子。其理安在。蓋傷寒熱證也。加以風溼。裏勢必易熱。乃至八九日之久。而不言身熱。知其入陽氣素虛矣。陽虛者。邪湊於裏。為內入。則易而外解。極難。何者。無元氣以復之也。故仲景用桂枝解外。復重。用附子。以溫經。使經絡肌。再加芍藥生薑。肉。開。無處不到。則無邪不驅矣。再加芍藥生薑。

各一兩。人參三兩。名桂枝新加湯。仲景治傷寒汗

後身痛。脈來沉遲。反。嘉言曰。傷寒誤發汗後。身

能盡出所致。况脈見沉遲。更無疑矣。若尺遲。乃

素虛。此則六部皆然。為發汗新虛。故於桂枝方

中。加芍藥以去邪。人參以輔正。仲景意中。明明

桂枝湯不欲與參並用。以桂枝能解肌表之邪。

人參反固肌表之邪。然在誤汗後，正氣虛微，餘邪不解，有不得不竝用之勢。人參尚主半表，故曰新加。加芍藥者，以誤汗而陽虛邪湊，恐陽孤無偶，和以芍藥，俾不至散亂也。加芍藥

一倍，名桂枝加芍藥湯。景仲治太陽誤下，腹滿時

痛，屬太陰也。喻嘉言曰：太陽病之誤下，其變皆

邪已入陰位，所以屬太陰也。此而腹滿時痛，則其

法以升舉陽邪，但倍芍藥以收太陰之逆氣，本

方不增一味。去桂加茯苓白朮，名桂枝去桂加

茯苓白朮湯。景仲治服桂枝湯，或下之，仍頭項強

痛，翕翕發熱，無汗，心下滿微痛，小便不利。喻嘉

張桂枝湯治風而遺其寒，所以不解而證變，設

更下之，則邪勢乘虛入裏，益誤矣。在表之風寒

未除而在裏之水飲上逆故變五苓兩解表裏之法而用茯苓白朮為主治去桂枝者以已誤不可復用也然桂枝雖不可用其部下諸屬皆所必需儻併不用芍藥以收陰甘草薑棗以益虛而和脾胃何以定誤汗誤下之變耶故更加一主將而一軍用命甚矣仲景立方之神也加

厚朴杏仁名桂枝加厚朴杏仁湯仲景治太陽病

下之微喘表未解也微喘邪猶在中上略為上逆故但疎利其氣而已均

入桂枝湯者以表均未解也厚朴杏仁為下氣散結之聖藥蓋誤下則引邪入裏既入不復

外。出。利。其。下。行。散。其。熱。結。而。喘。自。止。矣。然。即。非。誤。下。而。喘。亦。宜。用。此。湯。故。仲。景。原。文。復。申。言。此。

也。湯去芍藥生薑加茯苓名茯苓桂枝甘草大棗

湯甘爛水煎仲景治汗後臍下悸欲作奔豚喻嘉言曰

汗本心之液發汗後臍下悸者心氣虛而腎氣發動腎邪欲上凌心故臍下先悸取用茯苓桂枝直趨腎界預伐其邪所謂上兵伐謀也合麻黃湯名桂麻各半湯

仲景曰太陽病得之八九日如瘧狀發熱惡

寒熱多寒少不嘔渴清便一日二三度發脈微

緩者爲欲愈也脈微而惡寒者此陰陽俱虛不

可更發汗更吐下也面色反有熱色者未欲解

也以其不能得小汗出身必癢宜桂枝麻黃各

半湯準繩云首節頗似小柴胡證故以不嘔清

便白調證之次節雖脈微惡寒止宜小建中加黃耆以溫分肉司開闔原非溫經之謂後節面色反有熱色言表邪未盡故宜各半湯不

可與面合赤色。比類而觀也。方中行曰：如瘡狀，謂有往來寒熱也。發熱惡寒，熱多寒少者，風寒俱有，而寒少風多也。不嘔渴，清便，邪之往來未徹表，亦未及裏也。二三度發，乃邪居淺近，易及而頻數，故脈亦微緩，而為欲愈也。脈微而惡寒，已下重，以不得解者言，而出其治也。陰言後陽言前，俱虛故禁攻也。不可汗，已過表也。不可吐，下未見有裏也。熱色，陽浮外薄，風寒持之不散，所以小汗亦不能得出，鬱而癢也。桂枝麻黃各半者，總風寒而兩解之也。桂枝二分，合麻黃湯一分，名桂枝二麻黃一湯。景治服桂枝湯，大汗出，脈洪大者，與桂枝湯如前法。若形如瘡，日再發者，汗出必解。喻嘉言曰：此亦風多寒少之證。服桂枝湯治風而遺其寒，汗反大出，脈反洪大，似乎風邪再襲，故重以桂枝湯探之。若果風邪之故，立解矣。若形如

瘧。日再發。則邪本欲散。又且淺而易散。其所以不散者。終為微寒所持。故略兼治寒。而汗出必解。二分合越婢一分。名桂枝二越婢一湯。仲景治

太陽病發熱惡寒熱多寒少脈微弱者此無陽

也不可復發其汗。

喻嘉言曰此亦風多寒少之證。無陽二字。仲景言之不一。

乃以津液之通稱也。故以不可更汗為戒。然非汗則風寒終不解。惟取桂枝之二以治風。越婢之一以治寒。乃為合法。越婢者石膏之辛涼也。胃得之乃熱化津生。以此兼解其寒也。倍

芍藥加黃耆名桂枝加黃耆湯。

金匱

仲景云黃汗

之病兩脛自冷假令發熱此屬歷節食已汗出

又身常暮盜汗出者此營氣也若汗出已反發

此段原文極其汗之變能而見病如

氣久久而
大氣阻寒
為病實有
此一段光
景。後段
復就大氣
之為病者
而推言之
不復黏着
黃汗矣。

熱者久久身必甲錯發熱不止者必生惡瘡若
身重汗出已輒輕者久久必身瞢瞢即胸中痛
又從腰以上汗出下無汗腰臆弛痛如有物在
皮中狀劇者不能食身疼重煩躁小便不利此
為黃汗桂枝加黃耆湯主之

徐忠可曰此段論黃汗中變態零雜

同歸於黃汗其治大同而小異也謂黃汗病由水氣傷心故熱聚心胸君火不能下交於腎每兩脛自冷自者真氣不下非足下另受邪也假令發熱而足脛亦熱是風寒歷於肢節而痛故曰此屬歷節其汗出之期乃心火為水淫所傷不能生土中氣虛餒心主血營分虛熱於是食已胃勞火動則汗常暮陰躁則汗故曰此營氣也乃又設言汗與發熱及身重相并之際以盡

病。能曰。假若汗出已宜身涼。今因內邪盛而反熱。則皮膚之陰氣爲汗所燄。久久必甲錯。更發熱不止。營氣熱。則生惡瘡。假若身本重。溼也。汗出已輒輕。是表溼爲汗所衰。但暫輕而不能終止。其重。則內氣愈虛。內虛。則肌肉羸。動也。胸中痛。氣不運也。又或元氣上下不能貫串。則腰已上汗。下無汗。於是元氣不能及下。則腰曉弛痛。弛如脫也。如有物在皮中狀。不便捷也。其劇而危者。胸中之元氣傷。則不能食。周身之陰氣窒。則身疼。氣壅。則煩躁。心火鬱胃。而熱氣下流。則溺瀉。然皆積漸所致。其原總由水氣傷心。而病日深。故曰。此爲黃汗。藥用桂枝加黃耆者。調和營衛。而暢其氣。則除甘草加黃耆三兩名。補正。卽所以驅邪爾。

桂枝五物湯

金匱

仲景曰。血痺陰陽俱微。寸口關

上微。尺中小緊。外證身體不仁。如風痺狀。黃耆

桂枝五物湯主之

徐忠可曰陰陽寸口人迎也

字以微脈為主。兩尺中小緊謂細尋之。有小緊者。此病邪直入之形。正如明堂篇測病法所謂下。欬下向也。然此由全體風溼血相搏。痺其陽氣。使之不仁。故以桂枝壯氣行陽。芍藥和陰。薑棗以和上焦營衛。協力驅風。則病原拔而所入微邪亦為強弩之末矣。立法之意重在引陽。故嫌甘草之緩不若。黃耆之強有力。爾加栝蒌根名栝蒌桂枝湯。

仲景曰太陽病其證備身體強凡凡然脈反沉

遲此為瘕栝蒌桂枝湯主之

徐忠可曰此為瘕

主方太陽病其證備者身熱頭痛汗出也。身體強。即背反張之互辭。凡凡然。即頸項強之形狀。脈反沉遲。謂陽證得陰脈。此瘕脈之異於正傷寒也。其源由筋素失養而溼復挾風以燥之故。

以桂枝湯為風傷衛主治。加枯薑根。以清氣。分之。熱。而大潤其太陽。經既耗之。故則經氣流通。風邪自解。溼氣自行。筋不燥而痙愈矣。龐安時曰。枯薑根不主項強。凡其意以肺熱不令移於腎也。加於桂枝湯中。則可以徹熱榮筋。調和營衛矣。凡字無鈎音殊。頸項難舒之狀。加

龍骨牡蠣名桂枝加龍骨牡蠣湯。治男子失

精女子夢交。故以桂枝芍藥通陽固陰。甘草薑

棗和中。上焦之營衛使陽能生陰。而以安腎寧心之龍骨牡蠣為補陰之主。

麻黃湯。治傷寒太陽證。邪氣在表發熱頭痛

身痛腰痛骨節痛項背強惡寒惡風。但有一毫

尚為無汗而喘脈浮而緊。寒邪外束。陽不得越。在表。故鬱而為熱。經曰。人

之傷寒則爲病熱寒初中人必先表即足太陽寒水之經太陽爲諸陽上氣乃一身之綱維本經之脈起目眚上腦下項循肩挾脊抵腰行於身後故所過之處無不痛也惡寒者雖無風而惡寒惡風者當風而始強之然惡寒者見風必惡惡風者見寒亦惡此爲邪在表也若邪入於裡則無頭痛惡風寒之表證也涼病式曰身熱惡寒熱在表也熱在表而淺邪畏正故病熱而反惡寒或言爲寒在表及熱在皮膚寒在骨髓者誤也凡人之傷風暑溼皆有汗唯傷寒獨不汗出寒能濇血又表實也氣上逆故喘邪在表故脈浮傷寒脈緊而傷風脈緩者寒勁急而風緩散也喻嘉言曰冬傷寒春傷溫夏傷暑溼此四時正病也然夏秋亦有傷寒冬春亦有傷暑傷溼乃四時之客病所謂異氣也冬春正病有汗爲傷風無汗爲傷寒即夏秋正病有汗爲傷暑溼無汗爲傷寒亦治太陽陽明合病喘而胸滿壅盛

陽氣不得宣發故逆而作喘。若心下滿腹滿為
 實宜下之。此胸中滿胸中去表猶近非裏實雖
 有陽明然與太陽合病尚為在表宜汗不宜下
 經曰陽明病脈浮無汗而喘者發汗則愈宜麻
 黃湯。又曰陽明病應發汗反下之此為太逆或
 問兩經合病常用兩經之藥何以偏用麻黃湯
 耶蓋邪自太陽而來仍當提出太陽亦治哮喘
 不欲其陷入陽明故不用葛根也。

哮喘由風寒客於背俞且肺內有膠固之痰復
 感寒而作此湯散寒利肺然唯氣實者可暫用
 麻黃去節桂枝二兩杏仁七十枚甘草炙一兩先

煮麻黃數沸去沫內諸藥煎熱服覆蓋取微汗

中病即止不必盡劑無汗再服凡用麻黃去節

備用度免大發冬月生用。傷寒初感始於太
 陽故以發汗為先汗出則愈活人云凡發汗病

證仍在者三日內可二三汗之。令腰以下周遍
為度。王海藏曰：表證當汗，脈浮急汗之；脈沉緩
汗之。裏證當下，脈浮緩下之；脈沉急下之。三陽
汗當急而下當緩，三陰汗當緩而下當急。按汗
有大汗解表，微汗解肌之殊。下
有急下少與微和，滲利之別。

麻黃中空辛溫氣薄肺家嶺藥而走太陽能開

腠散寒從此人仍從此出桂枝辛溫能引營分

之邪達之肌表桂入營血能解肌杏仁苦甘散

寒而降氣甘草甘平發散而和中經曰寒淫於

內治以甘熱佐以苦辛是已喻嘉言曰麻黃發

桂枝監之甘草和之用杏仁潤下以止喘逆正如馭馬防其放逸爾李時珍曰仲景治傷寒無

汗用麻黃有汗用桂枝未有究其精微者津液
爲汗汗卽血也在營則爲血在衛則爲汗寒傷
營營血內濇不能外通於衛衛氣固閉津液不
行故無汗發熱而惡寒風傷衛衛氣外泄不能
內護於營營氣虛弱津液不固故有汗發熱而
惡風然風寒皆由皮毛而入皮毛肺之合也證
雖屬太陽然而赤拂鬱咳嗽有痰喘而胸滿非
肺病乎蓋皮毛外閉則邪熱內攻故用麻黃甘
草同桂枝引出營分之邪達之肌表佐以杏仁
泄肺而利氣汗後無大熱而喘者加石膏活人
書夏至後加石膏知母是皆泄肺火之藥是麻
黃湯雖太陽發汗重劑實散肺金火鬱之藥腠
理不密則津液外泄而肺氣虛虛則補其母故
用桂枝同甘草外散風邪以救表內伐肝木以
防脾佐以芍藥瀉木而固脾使以薑棗行脾之
津液而和營衛下後微喘者加厚朴杏仁以利
肺氣也活人書加黃芩爲陽旦湯以泄肺熱也
是桂枝湯雖太陽解肌輕劑實爲理脾救肺之

藥也。李士材曰：古云冬不用麻黃，夏不用桂枝。蓋以冬主閉藏，不應疎泄；夏令炎熱，不宜辛溫。經所謂必先歲氣，毋伐天和是也。又云：夏月不用麻黃，兩說相反，何耶？或舍時從證，或舍證從時。臨時變通，存乎其人。爾王履曰：傷寒卽病者，謂之傷寒，不卽病者謂之溫病。其原不殊，故一稱爲傷寒，其類則殊。施治不得相混。仲景之書專爲卽病之傷寒設，下兼爲不卽病之溫病設也。今人或以傷寒法治溫病，則熱證居多，三陰傷寒證十居七八。若溫病但一於熱，爾後人誤爲通治，遂疑諸熱劑不敢用，是未悟仲景立麻黃湯、桂枝湯之有所主育其時矣。苟知非治溫病之劑，則羣疑冰釋矣。又曰：傷寒卽發於冬，寒之時，寒邪在表，閉其腠理，非辛溫不能散之。此麻黃、桂枝等劑所以必用也。溫病熱病發於暄熱之時，鬱熱自內達外，無寒在表，故非辛涼苦寒、苦酸之劑不能解之。此桂枝、麻黃等所以不可用也。而後人所處水解散，大黃湯、千金湯

不惡寒則
病非外來
渴則熱自
內達外經
曰從春分
後至秋分
前大有暴
寒者為時
行寒疾亦
屬外感

防風通聖之類。兼治內外者之所以可用也。夫
卽病之傷寒。有惡風惡寒之證者。風寒在表。表
氣受傷也。後發之溫熱病。有惡風惡寒之證者。
必重感風寒。而表氣亦受傷也。若無新中之風
寒。則無惡風惡寒之證。故仲景曰。太陽病發熱
而渴。不惡寒者。爲溫病。溫病如此。則知熱病亦
如此。而不渴惡寒者。非溫熱病矣。或有不因新
中風寒。亦見惡風惡寒之證者。蓋因表虛。熱達
於表。而傷表氣。所謂衛虛則惡風。營虛則惡寒。
爾非傷風惡風。傷寒惡寒也。溫病熱病。亦有先
見表證。而後傳裏者。蓋鬱熱自內達外。外不得
泄。還復入裏。而成可攻之證。非如傷寒從表而
始也。每見世人治溫熱病。誤攻其裏。亦無大害
矣。問有誤攻致害者。乃春夏暴寒所中之疫證。
邪純在表。未入於裏。不可與溫病熱病同論。夫
秋冬傷寒。真傷寒也。春夏傷寒。寒疫也。與溫病
熱病。自是兩途。豈可同治。况傷寒直中陰經。與

太陽雖傷。不及鬱熱。卽傳陰經。爲寒證。而當溫者。又與溫病熱病大不同。其可混治乎。一陽子曰。傷寒傳足不傳手。非窮理之言也。草憲劉子指足經所屬水土木。水遇寒而涸。冰土遇寒而坼裂。木遇寒而凋枯。故寒喜傷之手。經所屬金與火。金遇寒而愈堅。火體極熱。寒不能襲。故寒不能傷。味者奇之。將人身營衛經絡。上下截斷。不相聯絡。失血氣周流。瞬息悶絕。之旨矣。夫寒邪襲人。必先皮毛灼熱。鼻塞息粗。肺主皮毛。是手太陰肺辛金先受病矣。海藏有傷寒自皮毛入之語。先師有桂麻羌芎之設。雖太陽表之表之劑。然汗法舍皮毛何自而解。更衣倍常。閉結溲泄。手陽明大陽庚金受病矣。先師有硝黃朴實之用。雖兼正陽三陰裏之裏之劑。然下法舍太陽腸何自而通。劉子謂金遇寒而愈堅。信乎。陽氣拂鬱舌胎言妄。手少陰心丁火病矣。先師有瀉心數法。亢極動血。上下煩蒸。手厥陰心胞火。手少陽三焦火病矣。治有三黃柴芩數條。小便

痿。祕。手。太。陽。小。腸。丙。火。病。矣。治。有。五。苓。導。赤。之。例。劉。子。謂。火。熱。寒。不。能。傷。信。乎。經。又。云。人。之。傷。寒。則。爲。病。熱。既。云。病。熱。則。無。水。冰。土。圻。木。枯。之。說。而。有。金。燥。火。亢。之。徵。矣。劉。子。何。人。敢。持。管。見。惑。世。誣。人。哉。機。要。云。有。厥。陰。經。下。痢。不。止。脈。沉。而。遲。手。足。厥。逆。唾。涕。膿。血。此。難。治。宜。麻。黃。湯。小。續。命。湯。汗。之。此。有。表。邪。縮。於。內。當。瀉。表。而。愈。張。子。和。曰。飧。泄。以。風。爲。根。風。非。汗。不。出。有。病。此。者。腹。中。雷。鳴。水。穀。不。分。小。便。滯。澀。服。瀉。藥。溫。藥。不。效。灸。中。脘。臍。下。數。十。燥。熱。轉。甚。津。液。枯。竭。延。余。視。之。脈。浮。大。而。長。身。表。微。熱。用。桂。枝。麻。黃。湯。加。薑。棗。連。進。三。大。劑。汗。出。終。日。至。旦。而。愈。次。以。胃。風。湯。和。其。臟。腑。食。進。而。安。經。曰。春。傷。於。風。夏。必。飧。泄。故。可。汗。而。愈。按。風。屬。木。脾。屬。土。木。尅。土。故。泄。也。

除桂枝加石膏名麻黃杏仁甘草石膏湯

景仲

方中行曰不可更行桂枝

景曰發汗後不可更行桂枝湯汗出而喘無大熱者可與麻黃杏仁甘草石膏湯方中行曰不可更行桂枝湯則是已經用過也桂枝固衛寒不得泄而氣轉上逆所以喘益甚也無大熱者鬱伏而不顯見也以傷寒之表猶在故用麻黃以發之杏仁下氣定喘甘草退熱和中本麻黃正治之佐使也石膏有微熱之功尤能助下喘之用故易桂枝以石膏誠為太陽傷寒誤汗轉喘之主治也或問發汗後不可更行桂枝湯桂枝既不可行麻黃可行耶無大熱石膏膏可行耶喻嘉言曰治傷寒先分營衛麻桂二湯斷無混用之理此證太陽之邪雖從汗解然肺中熱邪未盡所以熱雖少止喘仍不止故用麻黃發肺邪杏仁下肺氣甘草緩肺急石膏膏清肺熱即以治足太陽之藥通治手太陰經也儻誤行桂枝寧不壅塞肺氣而吐癰膿乎

亦治溫瘧先

卷三 麻黃湯

1

熱後寒加白朮名麻黃加朮湯金匱仲景曰溼家

身煩疼可與麻黃加朮湯發其汗為宜慎不可

以火攻之徐忠可曰溼雖宜汗但汗大出則濕反不去則知汗中自有法故以麻黃

湯為發汗之主而加朮一味以為固本清溼之地則內外兩得矣然發汗雖亦有火攻之法而非治溼也

故又戒之去桂枝杏仁加附子名麻黃附子湯

金匱仲景曰水之為病其脈沉小屬少陰浮者為

風無水虛腫者為氣水發其汗即已脈沉者宜

麻黃附子湯浮者宜杏子湯徐忠可曰仲景於風水皮水裏水皆

出方獨所云石水不出方觀所出之方似手責之手足太陽手足太陰裏水與急風兼責陽明

小字宜玩
觀沉小屬
少陰句可
知正水而
不喘脈沉
而加小即
從少陰論
治亦即石

永治法所
以石水不
出方也。

正水之下。寒多者似亦可。用經不顯言石水可知。正水亦有屬少陰者。故不若以脈沉爲別。獨惟麻黃附子湯爲少陰水主方。若脈浮則浮者爲

而用石膏此獨另揭言水之爲病脈沉小者屬少陰後卽承之曰脈沉者宜麻黃附子湯然則此方或卽所謂石水之主方耶又卽承麻黃附子甘草方而曰脈浮者宜杏子湯旣脈浮不與前風水皮水方相同豈非杏子方乃正水而間有脈浮者卽爲風水宜用此方耶蓋麻黃附子甘草方卽麻黃甘草二味爾以少陰而加附子發其龍火之真陽協力麻黃甘草以開久蝕之陰杏子湯因金囚不能運水故以脈浮者責肺金之熱而瀉氣以洩其水之實爾若無水虛腫此卽所謂風氣相搏氣強卽除桂枝杏仁名甘爲風水之屬也故亦主發汗

草麻黃湯金匱**仲景曰裏水越婢加朮湯主之**甘

草麻黃湯亦主之徐忠可曰裏水卽一身面目黃腫脈沉而渴正水也麻黃

發其陽甘草以和之則陽行而水去卽有裏熱不治自清爾且以防質弱者不堪石膏也

單

風故仍責
肺而用杏
子方爾
水已成則
氣難而肺
熱故裏水
與風水俱
有用石膏
者不用桂
枝可知麻
黃無桂枝
不能發表
胃中之氣
取用以治
不爾

方之七

卷之三

三

去桂麻黃

節不去

杏仁

皮尖

甘草

用生

名三拗湯

局方

治感冒風寒咳嗽鼻塞

麻黃留節發中有收杏仁留尖取其發連皮則

行皮甘草生用補中有瀉也

忌汗諸證

脈浮緊者當身痛宜汗之假令尺脈遲者不可汗以營弱血少故也咽燥

喉乾者不可發汗津液不足也渴而小便利若

失小便者不可發汗發汗則四肢厥冷肺腎虛

冷也下利雖有表證不可發汗汗出必脹滿走

津液而胃虛也淋家不可發汗發汗必便血亡

耗津液反增客熱也衄家不可發汗發汗發

汗則陰陽俱虛針經曰奪血者無汗奪汗者無

血王海藏曰仲景言衄家不可發汗蓋為脈微

也若浮緊者麻黃湯浮緩者桂枝湯瘡家雖傷

寒身痛不可發汗發汗則瘡表虛熱聚故生瘡

汗之則表益虛熱愈甚而生風故發瘡少陰病

脈沉細數。病為在裏。不可發汗。少陰病。但厥無汗。而強發之。必動其血。或從口鼻。或從目出。是名下厥上竭。難治。脈動數。微弱者。不可發汗。脈沉遲。為在裏。反發其汗。則津液越出。大便難。表虛裏實。必譫語。汗家重發汗。必恍惚心亂。汗者。心之液。心亡血液。故亂。腹中上下左右有動氣者。不可發汗。

傷寒傷風辨

傷寒。傷寒鬱而後能發熱。傷風。即能發熱。傷風有涕。傷寒。手足微厥。傷風。手足微厥。傷風。手足微厥。傷風。手足微厥。

足背皆溫。傷寒。脈緊。傷風。脈緩。傷風。手足微厥。傷風。手足微厥。傷風。手足微厥。傷風。手足微厥。

陰陽表裏辨

陽證之表。發熱。惡寒。頭痛。脊強。便清。不渴。手足厥逆。陽證之裏。唇焦。舌燥。惡寒。面慘。息冷。手足厥逆。陽證之裏。唇焦。舌燥。

煩渴。掀衣。揚手。擲足。大便祕結。小便赤澀。爪甲紅活。身輕。易於轉側。脈浮洪數。陰證之裏。不渴。蹇臥。引衣。自蓋。唇紫。舌卷。大便滑泄。小便清白。

爪甲青黑身重難於轉側脈沉細數唯腹痛與嘔陰陽裏證皆有之。三陽經又有陰陽表裏之分。太陽以熱在皮膚頭痛項強在經為表。麻黃湯桂枝湯九味羌活湯以口渴尿赤熱入膀胱在腑為裏。五苓散陽明以熱在肌肉目痛不眠在經為表。葛根解肌湯以口渴背寒為熱漸入裏。白虎加參湯若自汗狂譫熱入胃腑為全入裏。三承氣湯少陽以胸脇之間為半表半裏。表多小柴胡湯裏多熱盛者黃芩湯以上皆發熱。太陽惡寒陽明自汗少陽多嘔皆外感證也。傷寒者兼內傷者居多也。傷多得之飲食起居七情病生於太陰今之患傷寒者居多也。

大青龍湯

仲景曰太陽中風脈浮緊發熱惡寒

身疼痛不汗出而煩躁者大青龍湯主之若脈

經有在
此證

不汗出而煩躁者是也宜汗有在裏者不煩躁者實而煩躁是也宜下有陽虛者汗下後病不去而煩躁是也宜溫補有陰盛者少陰病吐利厥逆煩躁欲死是也宜溫經內熱曰煩為有

微弱汗出惡風者不可服服之而厥逆筋惕肉

瞤此為逆也以真武湯救之喻嘉言曰天地體

煩躁得汗則解太陽無汗因有煩躁一證兼見

則非大青龍湯不解也究竟本方原於無汗者

取微似汗若有汗者之煩躁全非鬱蒸之比其

不藉汗解甚明加以惡風脈微弱則是少陰心

陽之證若脈浮弱汗出惡風而不煩躁即是太

陽中風之證皆與此湯不相涉也誤服此湯寧

不致厥逆惕瞤而速其陽之亡耶仲景不能必

用法者蓋如其法更立真武一湯以救其誤學

者能識其鄭重之意即百用不致一誤矣又曰

誤服大青龍湯厥逆筋惕肉瞤者既有亡陽之

逆矣更推重真武一湯以救之者其義何居蓋

龍惟藉水可能變化而水者真武之所司也設

真武不與之以水青龍之不能奮然升天可知

矣故方中用苓朮芍附行水收陰醒脾崇土之

根之火外
熱曰躁為
無根之火
故曰躁不
煩及久躁
後煩者皆
不治。

月才七月

卷三

二

功多於回陽。名之曰真武湯。乃收拾分馳離絕
之陰陽。互鎮於少陰北方之位。全在收拾其水。
使龍潛而不能見也。設有一毫水氣上逆。龍即
得遂其升騰變化。縱獨用附子乾薑以回陽。其
如魄汗不止何哉。厥後晉旌陽祖師以仙術斬
蛟。捕至蛟龍遁跡之所。戒其家勿蓄勺水。乃至
從硯水逸去。可見水怪原有尺水丈波之能。向
非真武坐鎮北方。天地間久為龍蛇之窟矣。即
此推之。人身陽根於陰。其山陽之證。乃少陰腎
中。之真陽飛越。真陽飛越。亟須鎮攝歸根。陰
必翕然從之。陰從則水不逆矣。陰從則陽不孤
矣。豈更至於飛越乎。故舍天人一致之理。以言
醫者。非又曰傷寒脈浮緩身不疼但重乍有輕
其至也。時無少陰證者。大青龍湯發之。
括寒而言。此傷寒二字。括風而言。風寒之脈證
錯見。則桂枝與麻黃二湯不可用。不特言其仲
喻嘉言曰。前條
太陽中風四字。

景原文但重乍有輕時六字早已棼明言但身重而無少陰之欲寐其為寒因可審况乍有輕時不似少陰之晝夜俱重又兼風因可審所以軟力驅其在表之風寒若脈微弱身重欲寐則內顧少陰且不遑矣敢發之乎

麻黃

六兩

甘草

炙

桂枝

二兩

杏仁

四十枚

石膏

雞子大塊

生薑

三兩

大棗

十二枚

先煮麻黃去沫

內諸藥煎

一服汗者止後服

仲景製方之意本是桂枝麻黃二湯合用易芍

藥以石膏者所以勝寒鬱之內熱且助青龍

之勢而與雲雨也然去芍藥之酸收增石膏之

辛散外攻之力。猛而無制。在寒多風少。及風寒
兩停之證。則用當而通神。其有風無寒之證。及
微弱之脉。若不知辨而誤用之。有厥逆惕瞤而
亡陽爾。

小青龍湯

仲景曰。傷寒表不解。心下有水。氣乾

嘔。發熱而咳。或渴。或利。或噎。或小便不利。少腹

滿。或喘者。小青龍湯主之。

發熱惡寒。頭痛身痛。屬太陽表證。仲景書

中凡有裏證兼表證者。則以表不解三字該之。內有水飲。則水寒相搏。水蓄胃中。故乾嘔而噎。水寒射肺。故咳而喘。水停則氣不化。津不生。故渴。水漬腸間。故下利。水蓄下焦。故小便不利而

少腹滿。

又曰傷寒心下有水氣咳而微喘發熱不

渴服湯已渴者此寒去欲解也小青龍湯主之

喻嘉言曰風寒挾水飲上逆津液不下行故不渴渴則可知其津液不逆為寒去欲解之徵也

乃用亦青龍湯大率以輕劑助其欲解之勢爾

麻黃

去節

桂枝

芍藥

酒炒

細辛

甘草

炙

乾薑

兩

半夏

五味子

升半

水一斗

先煮麻黃減二升

去上沫內諸藥煮取三升去滓溫服一升若

微利者去麻黃加薤花如雞子大熬令赤色

麻黃

發汗利則不宜利水橫行也加薤花導水也

渴者去半夏加栝蒌

根三兩

半夏根燥津液枯

噎者去麻黃加附子

一枚炮

噎水寒塞室氣也附子利氣而散水寒

小便不利少腹

滿去麻黃加茯苓四兩

茯苓淡滲能通竅而利水道

喘者

去麻黃加杏仁半升去皮尖

喘水氣射肺而聲息不利也加杏仁

潤肺以下氣也

周禹載曰素常有飲之人一感外邪傷皮毛蔽

肺氣停於心下而上下之氣不利焉喘滿咳嘔

相因而見於是以五味收金乾薑散陰半夏祛

飲而尤妙在用細辛為少陰經表藥且能走水

人之水氣大抵發源於腎。故少腹滿小便不利。因而作喘。安知少陰不爲遺害。乃以細辛搜豁。伏邪走而不留。而後已。上主散之。藥皆靈動也。

金匱云。病溢飲者。當發其汗。大青龍湯主之。小青龍湯亦主之。徐忠可註曰。溢飲者。水已流行。歸四肢。以不汗而致。身體疼重。蓋表爲寒氣所侵。而疼。肌體着淫而重。全乎是表。但水寒相雜。猶之風寒兩傷內有水氣。故以大青龍。小青龍主之。然大青龍合桂麻而去芍。加石膏。則水氣不甚。而挾熱者宜之。儻欬多而寒伏。則必以小青龍爲當。蓋麻黃去杏仁。桂枝去生薑。而加五味。乾薑。半夏。細辛。雖表散而實欲其寒飲之下。出也。觀仲景論太陽中暍。謂身熱疼重而脈微弱。乃夏月傷冷水。水行皮中。所致。一物瓜蒂湯主之。然曰發其汗。則惡寒甚。而此獨主二湯。

發表爲惡豈非以溢飲所犯其源非中腸且腠
理稍固不若夏月之易汗乎彼在夏月腠理本
疎又中腸在先故主吐然則夏月身不熱非中
腸而得是證其亦宜二湯可知也金匱云先渴
後嘔者水停心下小青龍湯主之不治渴而顧
治水水去而渴自止矣金匱又云欬逆倚息不
得臥小青龍湯主之徐忠可註曰此卽支飲的
證也不用十棗湯而用小青龍湯必以其挾表
也然此必病發於未然而不得臥則勢
亦孔亟故暫以桂枝治表蓋半治飲爾

加石膏名小青龍加石膏湯

金匱

治肺脹欬而上

氣煩躁而喘脈浮者心下水

金匱

曰欬而上

人喘目如脫狀脈浮大者越婢加半夏湯主之
此條同是欬喘上氣脈浮然前條目如脫狀則
喘多矣喘多責寒故以麻黃甘草爲主而加石
膏以清寒變之熱此獨加煩躁傷寒論中寒得

風脈而煩躁者。主以小青龍湯。故亦主小青龙。然壅則氣必熱。故仍加石膏爾。

葛根湯

治太陽病項背強。凡凡無汗惡風者。方

執曰。凡凡烏之短羽者。動則引頸。凡凡然。形容病人之頸項俱病者。俯仰不能自如之貌。蓋太陽之脈下頸。俠脊。太陽之經其別者。俠脊上項。陽明之脈其支者。從大迎下人迎。循喉嚨入缺盆。陽明之經其直者。上腹而布。至缺盆而結。上頸上而合於太陽。故邪湊太陽。則項背強。加陽明則頸亦病。故曰凡凡也。太陽未罷。汗轉出不已。而惡風猶在也。以太陽尚在。故用桂枝為主。方以初有陽明。故加葛根為引用。然無汗惡風。凡凡當用麻黃湯加葛根矣。乃仍於桂枝湯中加麻黃。黃君葛根者何意。非有喘無取乎杏仁。不去麻黃。復加葛根。則葛根亦大開肌肉之藥。豈不慮大汗之無制乎。故不獨以桂枝監之。且有芍藥收之。度幾兼發二經之邪。而無凶陽之慮。

此條據
註重
黃

方七月

卷三

三

矣。此證又名剛瘧。乃風寒傷筋。故拘急而強直也。金匱治之。亦主此湯。剛瘧無汗。柔瘧有汗。仲景又曰。太陽發汗。不徹。煩躁短氣者。亦宜此湯。更發其汗。經曰。何以知汗出不徹。以脈濇故也。按傷寒失於汗下。而短氣為實。汗下後。短氣者為虛。表實宜發汗。表虛宜解肌。亦治太陽陽明合病。自下利者。傷寒本經未解。傳入他經。有催併之義。為併病。二經三經同受邪者。為合病。合病者。邪氣甚也。太陽陽明合病。其證頭痛。腰痛。肌熱。鼻乾。口痛。脈浮大。而長。頭腰太陽也。肌目鼻。陽明也。浮大。太陽也。脈長。陽明也。陽經合病。必自下利。邪併於陽。則陽實而陰虛。陽外實而不主裏。則裏虛。故下利。吳鶴皋曰。庸醫便為傷寒漏底不治。不知與此湯以散經中表邪。則陽不實而陰氣平。利不治而自止矣。趙嗣真曰。合病者。二陽經。或三陽經。同病。不移者也。併病者。一經先受病。又過一經。兩經同病也。

如太陽陽明若併而未盡猶在兩經仲景所謂
太陽證不罷而面赤陽氣拂鬱在表不得越煩躁
短氣是也猶當汗之以各半湯若併之已盡是
謂證罷仲景所謂太陽證罷潮熱手足汗出大
便鞭而譫語是也法當下之以承氣湯是知罷
則入腑不罷則不入腑太陽陽明併病治法也
若太陽陽明合病主葛根湯太陽少陽合病主
黃芩湯少陽陽明合病主承氣湯三陰有兩感
而無合病。合病不傳經併病亦與傳經異太
陽多傳變太陽傳陽明水傳土也謂之微邪又
謂巡經得度傳太陽傳少陽謂之越經傳太陽
傳太陰謂之誤下傳太陽傳少陰謂之表裏傳
水勝火火勝水此南北二方之變頃刻害人辨
之不早必成不救太陽傳厥陰謂之首尾傳三
陰不至於首唯厥陰與督脈上行與太陽相
接又名巡經得度傳災變至重不為不多矣

葛根
兩麻黃
生薑
桂枝
芍藥
甘草

兩大棗十二枚先煮麻黃葛根去沫內諸藥煮溫服覆取微似汗不須啜粥餘如桂枝法將息及禁忌

成氏曰輕可去實葛根麻黃之屬是也此以中

風表實故加二物於桂枝湯中仲景以有汗無

之別有汗為風傷用桂枝加葛根湯不用麻黃

無汗為寒傷用此湯張元素曰二湯加葛根所

以斷太陽陽入陽明之路非太陽藥也若太陽初

病便服升葛是反引邪氣入陽明也喻嘉言曰仲景於太陽陽帶陽明證其風傷衛則桂枝湯中加葛根太陽陽帶少陽證其風傷衛則桂枝湯中加柴胡寒傷營則麻黃湯中加柴胡合併之病亦然則陽明以葛

根爲主藥。少陽以柴胡爲主藥矣。乃少陽經專
用小柴胡湯。而陽明經全不用葛根湯。何耶。此
有二義。太陽而略兼陽明。則以方來之。陽明爲
重。故加葛根。陽明而尙兼太陽。則以未罷之太
陽。爲重。故不加葛根。恐葛根大開肌肉。則津液
盡從外泄爾。小兒布痘。見點之時。亦忌之。今人
知忌升麻。而恣用葛根。兒命遭枉者多矣。又曰。
金匱論痘病。於風木主事之時。已申不可汗下
之戒。夫妄下損陰。則筋失所養。而痘妄汗。亡陽
則脈失所養。而拘急。及遇無汗之剛痘。又不得
不用葛根湯。取其微汗。至於下法。全不示戒。且
云可與大承氣湯。見身內之陰。爲外熱所耗。容
有不得不下之證。但十中不得一二。終非可訓
之定法。略舉其端。聽用者之裁酌爾。方中行曰。
勝胱主水。胃主穀。寒爲陰。陰氣主下降。故太陽
陽明合病。經中之邪熱甚。胃氣弱。不化穀。不分
清。雜進而走注也。但用葛根散。經中之寒邪。麻
黃散。太陽之表。葛根解陽明之肌。桂枝主營衛。

之和薑棗健脾胃甘草和中芍藥緩中則經中之邪散胃中之正回不分清者自分清不顯治而治在其中矣。太陽陽明合病不下利但嘔者葛根加半夏以下利則津液去而必渴故也。如此條自下利者竟用本湯假如嘔而復下利亦即葛根湯倍生薑可不用半夏也。

除麻黃名桂枝加葛根湯仲景治太陽病項背強

凡凡反汗出惡風者凡凡者頸不舒也頸屬陽明於太陽風傷衛中繞見

陽明一證即於桂枝湯中去麻黃加半夏葛根一味則兩經盡解

根加半夏湯仲景治太陽陽明合病不下利但嘔

喻嘉言曰此又以下利不利辨別合病主風主寒之不同也風者陽也陽性上行故合陽明胃中之水飲而上逆寒者陰也陰性下行故合陽明胃中之水穀而下奔然上逆則必加半夏

入葛根湯。以滌飲止嘔。但下奔則但用葛根湯。以解兩經之邪。不治利而利自止。爾葛根湯。即第一條。桂枝湯加葛根。不用麻黃者是也。加黃芩名葛根解肌湯。

治發熱惡寒頭痛項強傷寒溫病

麻黃附子細辛湯

仲景

治傷寒少陰病始得之反

發熱脈沉者

少陰病。脈微細。但欲寐。是也。太陽發熱。與少陰腎相為表裏。腎虛故

太陽之邪。直入。而脈沉。餘邪未盡。入裏。而表熱。此證謂之表裏傳。非兩感也。

麻黃

二兩

細辛

兩

附子

一枚炮去

皮切八片

先煮麻黃

去上沫內辛附煮取去渣溫服日三

太陽證發熱脈當浮今反沉少陰證脈沉當無

熱今發熱故曰反也。熱爲邪在表。當汗。脈沉屬陰。又當溫。故以附子溫少陰之經。以麻黃散太陽之寒而發汗。以細辛腎經表藥。聯屬其間。是汗劑之重者。趙嗣真曰：仲景太陽篇云：病發熱宜四逆湯。少陰篇云：少陰病始得之。反發熱。脈沉者。麻黃附子細辛湯。均是發熱。脈沉。以其頭痛。故屬太陽。陽證脈當浮。而反不能浮者。以裏久虛寒。正氣衰微。又身體疼痛。故宜救裏。使正氣內強。逼邪外出。而乾薑附子亦能出汗而散假令裏不虛寒。而脈浮。則正屬太陽。麻黃證矣。均是脈沉發熱。以無頭痛。故名少陰病。陰病當無熱。今反熱。寒邪在表。未全入裏。但皮膚鬱閉爲熱。故用麻黃細辛以發表。熱附子以溫少陰之經。假使寒邪入裏。外必無熱。常見吐利厥逆。

等證。而正屬少陰。四逆湯證矣。由此觀之。表邪浮淺。發熱之反猶輕。正氣衰微。脈沉之反爲重。此四逆湯。不爲不重於麻黃附子細辛湯矣。又可見熱附配麻黃。發中有補。生附配麻黃。發中有發。仲景之旨甚微矣。按傷寒傳入三陰。尙有在經表證。如太陰有桂枝加芍藥湯。少陰有麻黃附子細辛湯。厥陰有當歸四逆湯之類。皆陰經表藥也。又按少陰雖有反熱而無頭痛。厥陰雖有頭痛而無身熱。且痛不如陽經之甚。若身熱頭痛全者。則屬陽證。醫貫曰。有頭痛連腦者。此係少陰傷寒。宜用麻黃附子細辛湯。不可不知。經又云。少陰病吐利。手足不逆冷。反發熱者。不死。脈不至者。灸少陰七壯。此又以陽氣爲主。少陰吐利。法當厥逆。以無陽也。發熱爲陽氣猶存。故不死。方中行曰。發熱邪在表也。脈沉少陰位北而居裡也。以其居裡邪在表而發熱。故曰反也。以邪在表不在裏。故用麻黃以發之。以其本陰而標寒。故用附子以溫之。細辛辛溫。通於

少陰用之以佐主治者。以其專經而向導也。喻
嘉言曰。仲景太陽經。但有桂枝加附子法。並無
麻黃加附子法。太陽無脈微惡寒之證。不當用
附子。若見脈微惡寒。吐利煩躁等證。則太陽已
在頃刻。又不當用麻黃矣。又曰。脈沉為裏證。在
少陰。不當復有外熱。若發熱者。乃是太陽之表
邪。卽當行表散之法者也。但三陰之表法。與三
陽迥異。三陰必以溫經為表。而少陰尤為緊關。
故麻黃與附子合用。俾太陽之外邪出。而少陰
之真陽不出。纔是少陰表法之正也。周禹載曰。
少陰中寒。原中經。爾未嘗中臟也。雖經證卽為
裏證。故少陰治法。從無發表之理。只用附子溫
經。使正氣回。而邪氣退。此大法也。然少陰與太
陽相為表裏。故言少陰表證。卽太陽也。何仲景
不於兩感卽立此方耶。殊不知兩感則當見雨
感之證。今第見少陰脈證。而無錯雜之邪。所見
於太陽者。止發熱爾。無頭痛項強等證也。由是
思之。太少既為表裏。則少陰被患。事切震鄰。所

謂楚國公孫，禍延林木者，理實有之。此仲景即於始得之時，麻黃與附子合用，兼以細辛。本藥由裏達外，俾外邪得以外解，溫經仍以同陽邪外出，而真陽不出，誠打成一片，呼吸相通之大道也。甚快甚。去細辛加甘草，名麻黃附子甘草湯。仲景曰：少陰病得之二三日，麻黃附子甘草湯微發汗，以二三日無裏證，故微發汗也。喻嘉言曰：不吐利，煩躁，嘔渴，為無裏證。既無裏證，病尚在表，可知。故以甘草易細辛，而微發汗。又溫散之緩法也。周揚俊曰：言無裏證，則亦有反發熱之表在。可知也。二方皆治少陰表證。少陰無發汗之法，汗之必至亡陽，惟此二證用之。此方又名麻黃附子湯。金匱用治水腫，已見麻黃湯附方下。此處因列少陰證治，故不妨重出。

升麻葛根湯

錢仲陽

治陽明傷寒中風頭疼身痛

發熱惡寒無汗口渴目痛鼻乾不得臥及陽明

發斑欲出不出寒暄不時人多疾疫三陽皆有頭痛故頭

痛屬表六經皆有身痛在陽經則煩痛拘急風寒在表故發熱惡寒外束故無汗熱入裏故

口渴陽明脈絡鼻俠目故目痛鼻乾陽明屬胃胃受邪故不安臥此其受邪之初猶未及乎狂

也陽邪入胃裏實表虛故發斑細如蚊點為疹大若錦紋為斑

升麻

錢三

葛根

錢二

芍藥

錢一

甘草

炙

加薑煎

頭痛加川芎白芷

川芎為通陰陽血氣之使白芷專治陽明頭痛

身

痛背強加羌活防風

此兼太陽故兼二藥

熱不退春加

柴胡黃芩防風少陽司令。柴夏加黃芩石膏清

火熱。頭面腫加防風荆芥連翹白芷川芎牛蒡

石膏升散解毒。咽痛加桔梗清肺利斑出不透

加紫草茸涼血潤腸用茸者取其脈弱加人

參胃虛食少加白朮腹痛倍芍藥和之

陽明多氣多血寒邪傷人則血氣為之壅滯辛

能達表輕可去實故以升葛辛輕之品發散陽

明表邪陽邪盛則陰氣虛故用芍藥斂陰和血

又用甘草調其衛氣也雲岐子曰葛根為君升

成方切用表
卷三上柴葛解肌湯
七

其升麻甘草升陽解毒故又治時疫感時疫者必先入胃

故用陽明胃藥傷寒未入陽明者勿服恐反引表邪入

陽明也斑疹已出者勿服恐重虛其表也麻痘已見

紅點則不可服陽明為表之裏升葛陽明正藥凡斑疹欲出未出之際宜服此湯以透其毒不可便服寒劑以攻其熱又不可發汗攻下虛其表裏之氣如內熱甚加黃連犀角青黛大青知母石膏黃芩黃檗參之類若斑勢稍退潮熱譫語不大便可加大柴胡加芒硝調胃承氣下之

柴葛解肌湯

代節菴製此以葛根湯

治太陽陽明合病頭

目眼眶痛鼻乾不眠惡寒無汗脈微洪

太陽脈起目內

皆上額交巔陽明脈上至額顙絡於目風寒上干故頭痛目痛眩痛也惡寒無汗屬太陽鼻乾不眠屬陽明脈洪將為熱也節菴曰此陽明在經之邪若正腑病另有治法

柴胡 葛根 羌活 白芷 黃芩 芍藥

桔梗 甘草 加薑棗石膏一錢煎 無汗惡

寒甚者去黃芩

寒邪在經故以羌柴芷葛散之寒將為熱故以

黃芩石膏桔梗清之三藥並泄肺熱以芍藥甘草和之

也

柴胡升麻湯局方

治少陽陽明合病傷風壯熱惡

風頭痛體痛鼻塞咽乾痰盛咳嗽唾涕稠黏及
陽氣鬱遏元氣下陷時行瘟疫劉宗厚曰傷風一證仲景與傷
寒同論雖有麻黃桂枝之分至於傳變之後亦
未嘗悉分之也諸家皆與感冒四氣併中風條
混治惟陳無擇別立傷風一方在四淫之首且
依傷寒以太陽為始分註六經可謂詳密但風
本外邪諸方例用解表發表然受病之源亦有
不同若表虛受風專用發表之藥必致汗多亡
陽之證若內挾痰熱而受風亦宜內外交治不
可顯於解表也或曰此云表虛與傷寒中風表
虛同歟予曰不同也彼以太陽中風而於有汗
無汗分虛實實者加麻黃虛者加葛根俱解表
也此云表虛者當固守衛氣而散風者也

柴胡

前胡

黃芩

升麻

葛根

桑皮

荊芥 赤芍 石膏 加薑三片豉廿粒

陽明而兼少陽則表裏俱不可攻祇宜和解在

和。柴胡平少陽之熱升葛散陽明之邪。三藥皆能升提

清。前胡消痰下氣而解風寒桑皮瀉肺利溼而

止痰嗽荊芥疏風熱而清頭目赤芍調營血而

散肝邪黃芩清火於中上二焦石膏瀉熱於肺

胃之部。風壅為熱故以石膏辛寒為君。加薑豉者取其辛散而

升發也。

九味羌活湯即羌活沖和湯張元素

治傷寒傷風憎寒壯

熱頭痛身痛項痛脊強嘔吐口渴太陽無汗及感冒四時不正之氣疫癘諸病有物有聲曰嘔有物無聲曰吐胃寒則吐邪熱在表則不渴傳裏則渴四時不正之氣謂天地間穢惡之氣及病氣死氣流行傳染也

羌活

防風

蒼朮

錢半

細辛

五分

川芎

白芷

一

生地

黃芩

甘草

錢一

加生薑

葱白

一如風

證

自汗者去蒼朮加耆朮

發表而即實表也

胸滿去地黃加枳殼桔梗

喘加杏仁

汗下

兼行加大黃

此足太陽例藥以代桂枝麻黃青龍各半等湯也。藥之辛者屬金。於人爲義。故能匡正黜邪。羌防蒼細芩芷皆辛藥也。羌活入足太陽爲撥亂反正之主藥。除關節痛。痛甚無汗者倍之。蒼朮入足太陰辟惡而去溼。能除溼下氣。及安太陽。使邪氣不致傳足太陰脾。白芷入足陽明治頭痛在額。芩藟入足厥陰治頭痛在腦。細辛入足少陰治本經頭痛。皆能驅風散寒。行氣活血。而又加黃芩入手太陰以泄氣中之熱。生地入手少陰以泄血中之熱。黃芩苦寒。生地寒滯。二味苟用。

於發熱之後則當若初發熱猶當議減也防風爲風藥卒徒隨所引

而無不至治一身盡痛爲使甘草甘平用以協

和諸藥也藥備六經治通四時用者當隨證加

減不可執一張元素曰有汗不得用麻黃無汗

言故立此方使不犯三陽禁忌但陰虛氣弱之人在所禁爾

十神湯方治時氣瘟疫癘氣初感頭痛發熱惡

寒無汗咳嗽鼻塞聲重中道流布三焦致沿門

闔境傳染相似謂之瘟疫頭痛發熱惡寒無汗邪在表也咳嗽鼻塞聲重表實而氣不利也

凡患時證而咳嗽者邪欲外出而易愈也

麻黃 葛根 升麻 川芎 白芷 紫蘇

甘草 陳皮 香附 赤芍 加薑葱白

治傷寒須分六經見證用藥此則雖有發熱惡

寒頭痛鼻塞等證然屬時氣瘟疫與傷寒不同

故總以疏表辛香利氣之藥主之而又加芍藥

甘草以和之吳淞曰此湯用升麻葛根能解利

太陽傷寒發熱用之則引邪入陽明傳變發斑矣慎之

神木散藏海 治內傷冷飲外感寒邪而無汗者內傷

冷飲則寒溼停於中經曰其寒飲食入胃則肺寒肺寒則外內合邪是也寒能瀆血故無汗

成方切用表

圭

亦治剛瘧

先傷風後傷溼及太陽過汗溼家過汗產後血虛破傷風皆發瘧其證頭

搖口噤手足搐搦項背反張無汗為剛瘧有汗為柔瘧亦有剛柔不分者不可純作風治宜清熱化痰疎風養血亦有用大承氣者凡陽瘧不厥逆其厥逆者皆陰瘧也宜附子湯附子防風散桂心白朮湯

蒼朮

製

防風

二兩

甘草

炙一兩

加生薑葱白

如

太陽證發熱惡寒脈浮緊者加羌活

浮緊帶

洪者是兼陽明加黃芩

少陽加柴胡

婦人加當歸

浮緊帶弦數者是兼

防風辛溫升浮除風勝溼為太陽主藥蒼朮甘

防風辛溫升浮除風勝溼為太陽主藥蒼朮甘

溫辛烈散寒發汗辟惡升陽能升胃中陽氣加甘草者發中有緩也

除蒼朮加白朮二兩薑三片不用葱名白朮湯

海藏治前證有汗者蒼朮發汗白朮止汗亦治柔痙風而兼溼故多

汗也按神朮白朮二湯乃代桂枝麻黃二湯者也喻嘉言曰此海藏得意之方蓋不欲無識者

明仲景不得表揚海藏之功

大無神朮散蒼朮浸厚朴薑汁炒陳皮去白甘

草炙藿香石菖蒲各錢半治感山嵐瘴氣憎寒壯

熱一身盡痛頭面腫大瘡瘡時毒溼熱時毒感於口鼻傳入

陽明邪正交爭。陰勝則憎寒，陽勝則壯熱。流於百節，則一身盡痛。上行頭面，則為腫大。名大頭瘟。蒼朮辛烈，升陽辟惡，燥溼解鬱。厚朴苦溫，除溼散滿，化食厚腸。陳皮理氣通利三焦。甘草和中。匡正脾土。此即平胃散而重用陳皮為君者也。蓋人之一身，以胃氣為主。胃氣強盛，則客邪不能入。故治外邪，必以強胃為先也。加藿香、菖蒲，取其辛香通竅，亦能辟邪而益胃也。吳鶴皋曰：大無此方，但理脾胃而解瘴之妙，自在其中。不愧為丹溪之師矣。

局方神木散

茅朮

二兩

川芎

白芷

羌活

藁本

細辛

炙甘草

各一兩

每服

四錢

加薑葱煎

治傷風頭痛

無汗鼻塞聲重及風寒咳嗽時行泄瀉

頭痛鼻塞咳嗽

是傷風也。傷風應有汗。若無汗，是挾寒也。殭泄下利者，清陽不升，木邪尅土，風兼溼也。蒼朮辛

羌活芷各走一經祛風發汗而勝溼散三陽之邪而能升清者也加甘草者緩其中也

許學士神木散蒼木一脂麻五錢棗五十枚取

肉搗丸治水飲結成癖囊水飲結成窠囊非蒼

之加脂麻者潤其燥也用棗肉者補土以制水也

九製蒼木散茅山蒼木九蒸九曬爲末治痰飲

腹痛

葱鼓湯後用傷寒初覺頭痛身熱脈洪便當服此

葱白一握鼓一升煎服取汗出如無汗加葛根三

兩崔氏

葱通陽

葱中空為肺葉散手太陰陽明之邪

豉升散均能發汗邪

初在表宜先服此以解散之免用麻黃湯者之

多所顧忌用代麻黃湯者之多所紛更也

去淡豉加生薑名連鬚葱白湯

活人治同

人參敗毒散

活人

治傷寒頭痛憎寒壯熱項強睛

暗鼻塞聲重風痰咳嗽及時氣疫癘嵐瘴鬼瘧

或聲如蛙鳴眼赤口瘡溼毒流注腳腫腮腫喉

痺毒痢諸瘡斑疹

風寒在表則惡寒發熱頭痛項強風寒在肺則鼻塞聲重

痰多咳嗽聲如蛙鳴俗名蝦蟆瘟邪氣實也風寒溼熱之氣上干則目赤口瘡下流則足腫傷

於陽明則腮腫結於少陰則喉痺壅
於少陽則毒刺發於皮膚則瘡疹

人參 羌活 獨活 柴胡 前胡 川芎

枳殼 桔梗 茯苓一兩 甘草五錢 每服一兩加

薑三片薄荷少許煎 口乾舌燥加黃芩 腳

氣加大黃蒼朮 膚痒加蟬蛻

羌活入太陽而理遊風獨活入少陰而理伏風

兼能去溼除痛柴胡散熱升清 協川芎和血平

肝以治頭痛目昏前胡枳殼降氣行痰 協桔梗

茯苓以泄肺熱而除溼消腫人參甘草輔正以

匡邪疏導經絡表散邪滯故曰敗毒

喻嘉言曰暑淫熱三

氣門中推此方爲第一。三氣合邪豈易當哉。其氣互傳則爲疫矣。方中所用皆辛平。更有人參大力者。荷正以祛邪。病者日服二三劑。使疫邪不復畱。詎不快哉。奈何俗醫減去人參。曾與他方有別耶。又曰傷寒宜用人參。其辨不可不明。蓋人受外感之邪。必先汗以驅之。唯元氣旺者。外邪始乘藥勢以出。若素弱之人。藥雖外行。氣從中餒。輕者半出不出。重者反隨元氣縮入。發熱無休矣。所以虛弱之體。必用人參三五七分入。表藥中少助元氣。以爲驅邪之主。使邪氣得藥一湧而出。全非補養衰弱之意也。卽和解藥中。有人參之大力者。居間外邪遇正。自不爭而退舍。否則邪氣之縱悍。安肯聽命和解耶。不知者謂傷寒無補法。邪得補而彌熾。卽痘疹癰痢以及中風中痰中寒中暑癰疽產後初時。槩不敢用。而虛人之遇重病。可生之機。悉置不理矣。

古方表汗。用五積散。參蘇飲。敗毒散。和。解。用。小。柴。胡。白。虎。湯。竹。葉。石。膏。湯。等。方。皆。用。人。參。領。內。邪。外。出。乃。得。速。愈。奈。何。不。察。耶。外。感。體。虛。之。人。汗。之。熱。不。退。下。之。和。之。熱。亦。不。退。太。熱。呻。吟。津。液。灼。盡。身。如。枯。柴。醫。者。技。窮。正。謂。元。氣。已。滴。故。藥。不。應。手。爾。儻。元。氣。未。滴。先。用。人。參。三。五。七。分。領。藥。淡。入。驅。邪。何。至。汗。和。不。應。耶。東。垣。治。內。傷。外。感。用。補。中。益。氣。加。表。藥。一。二。味。熱。服。而。散。外。邪。有。功。千。古。傷。寒。額。科。從。仲。景。至。今。明。賢。方。書。無。不。用。參。何。爲。今。日。醫。家。單。除。不。用。全。失。相。傳。宗。旨。使。體。虛。之。人。百。無。一。活。曾。不。悟。其。害。之。也。蓋。不。當。用。參。而。殺。人。者。是。與。耆。術。歸。桂。薑。附。等。藥。同。行。溫。補。之。誤。不。謂。與。羌。獨。柴。前。芎。半。枳。桔。苓。膏。等。藥。同。行。汗。和。之。法。所。致。也。安。得。視。等。砒。鳩。耶。嘉。靖。己。未。江。淮。大。疫。用。敗。毒。散。倍。人。參。去。前。胡。獨。活。服。者。盡。效。萬。歷。己。卯。大。疫。用。本。方。復。效。崇。禎。辛。巳。壬。午。大。饑。大。疫。道。殣。相。望。汗。和。藥。中。惟。加。人。參。者。多。活。更。有。發。斑。一。證。最。毒。惟。加。

參於消斑藥中。全活甚衆。凡饑饉兵荒之
餘。飲食起居不節。致患時氣者。宜用此法。

加陳廩米名倉廩散治噤口痢

乃熱毒冲心。食入卽吐。單陳廩

米煎湯治痢後大渴飲水不止。

加大黃芒硝名硝黃敗毒散治

熱毒壅積加黃芩名敗毒加黃芩湯治溫病不

惡寒而渴加連翹金銀花名連翹敗毒散治瘡

毒如有風熱加荆芥防風名荆防敗毒散亦治

腸風下鮮血

血鮮者爲腸風。隨感而見也。血瘀者爲臟毒。積久而發也。

川芎茶調散

局方

治諸風上攻正偏頭痛惡風有

汗憎寒壯熱鼻塞痰盛頭運目眩

正偏頭痛者風中於腦作

止無時也。中風故有汗惡風。風邪在表。故憎寒壯熱。風寒傷於皮毛。腠理密緻。不得泄越。氣併於鼻。故鼻塞。火升故痰盛。痰熱上攻。故頭運目眩。

薄荷

錢八

芩藟

錢四

荊芥

錢四

甘草

炙

羌活

錢二

白芷

錢二

防風

錢半

細辛

錢一

每三錢茶調服一方加菊花

錢一

菊花

錢一

白芷

錢二

羌活

錢二

一錢

蠶蠶

分三

名菊花

茶調散治頭目風熱

菊花清

熱明目

明目

明目

風化痰。

羌活

治太陽頭痛

白芷

治陽明頭痛

川芎

治少

陽頭痛

細辛

治少陰頭痛

能解表散寒

以風熱在上

宜於升散也

頭痛必

能解表散寒

以風熱在上

宜於升散也

頭痛必

能解表散寒

用風藥者以巔頂之上惟風可到也薄荷荆芥

竝能消散風熱清利頭目故以為君辛香輕清能入肝經

氣分而搜風熱肝同諸藥上行以升清陽而散

鬱火清陽不升則濁加甘草者以緩中也用茶

調者茶能上清頭目也凡頭痛用羌防芎芷辛

於畏壅塞而成痛故用此助肝以升散之也若

再造散治陽虛不能作汗項強發熱惡寒無

汗服發汗藥一二劑汗不出者為陽虛不能作

汗名曰無陽證庸醫不識不論時令遂用麻黃

重藥劫取其誤人多矣此方必

脈證中有虛寒之實據方可用也

人參

黃耆

桂枝

甘草

附子

炮

細辛

羌活

防風

川芎

煨薑

棗二枚

加炒芍

藥一撮煎

經曰陽之汗以天地之雨名之汗之無汗邪盛

而真陽虛也故以參耆甘草薑桂附子大補其

陽而以羌防芎細發其表邪加芍藥者散中有

收且能滋調營衛為諸陽藥取汗之助也節菴

第知參耆能止汗而不知其能發汗以在表藥

隊中則助表藥而解散也東垣丹溪治虛人感

胃多用補中益氣

加表藥即同此意

成方切用

卷三十一

七

麻桂飲

景

治傷寒瘟疫陰暑痰癰凡陰寒氣勝

而邪有不能散者非此不可無論諸經四季凡

有是證卽宜是藥勿謂夏月不可用也不必厚

蓋但取津津微汗透出爲度此實麻黃桂枝之

變方而其神效則大有同於二方者不可不爲

細察

官桂

錢一二

當歸

錢三四

炙甘草

錢一

麻黃

錢二三

陳皮

隨宜用或不用

水一盞半加生薑五七片或十片煎

八分去浮沫不拘時服

若陰氣不足者加熟

地三五錢。若元氣大虛。陰邪難解者。當以大溫中飲更迭爲用。

大溫中飲

景岳

凡患陽虛傷寒。及一切四時勞倦。

寒疫陰暑之氣。身雖熾熱。時猶畏寒。卽在夏月。亦欲衣被蓋。或喜熱湯。或兼嘔惡泄瀉。但六脈無力。肩背怯寒。邪氣不能外達等證。此元陽大虛。正不勝邪之候。若非峻補托散。則寒邪日深。必至不救。溫中自可散寒。卽此方也。服後畏寒悉除。覺有躁熱。乃陽回作汗佳兆。不可疑之。畏

之此外凡以素稟薄弱之輩或感陰邪寒疫發
熱困倦雖未見如前陰證而熱邪未甚者但於
初感時卽速用此飲連進二三服無不隨藥隨
愈真神劑也此方宜與理陰煎麻桂飲相參用
熟地三五錢於白朮三五錢當歸三五錢如泄瀉者不宜用或山藥代
人參二三錢甚者甘草一錢麻黃一二錢柴胡二三錢
乾薑炒熟一二錢或用煨薑三五片水二盞煎八分去浮沫
溫服或略蓋取微汗如氣虛加黃耆二三錢
如寒甚陽虛者加附子一二錢如肚腹泄

瀉宜少減柴胡加防風細辛亦可

此方惟氣血兩虛而重感寒邪者宜之非正傷

寒治法

大羌活湯

治兩感傷寒

內經曰傷寒一日巨陽受之太陽經脈循

腰脊經頭項故頭項痛腰脊強二日陽明受之陽明主肉其脈俠鼻絡於目故身熱目疼而鼻乾不得臥三日少陽受之少陽主膽其脈循脇絡於耳故胸脇痛而耳聾四日太陰受之太陰脈布胃中絡於喉故腹滿而噎乾五日少陰受之少陰脈貫腎絡於肺繫舌本故口燥舌乾而渴六日厥陰受之厥陰脈循陰器絡於肝故煩滿而囊縮兩感者謂一日則太陽與少陰俱病有頭痛項強而又口乾煩渴也二日則陽明與太陰俱病有身熱譫語而又腹滿不欲食也三

日則少陽與厥陰俱病。有脇痛耳聾。而又囊縮厥逆也。此陰陽表裏俱病。欲汗之則有裏證。欲下之則有表證。故仲景不立治法。吳鶴皋曰。易老製此方。意謂傳經者皆為陽邪。一於升陽散熱。滋養陰臟。則感之淺者。尙或可平也。

羌活 獨活 防風 細辛 防已 黃芩

黃連 蒼朮 甘草 白朮 知母 川芎

生地 每服五錢熱飲

此陰陽兩解之藥也。氣薄則發泄。故用羌獨蒼防芩細祛風發表。升散傳經之邪。寒能勝熱。故用芩連知母生地。防已清熱利溼。滋培受傷之

陰又用白朮甘草以固中州而和表裏之氣

不至峻寒不至凝間能回九死於一生也

仲景兩感

無治法又云兩感病俱作治有先後如表證急當先救表裏證急當先救裏李挺曰表裏俱急者大羌活湯陽證體痛而不下痢者為表急先以葛根麻黃解表後以調胃承氣攻裏陰證身痛而不利不止者為裏急先用四逆救裏後以桂枝救表陰陽未分者陶氏冲和湯探之古法一日太陽少陰五苓散主之頭痛加羌活防風口渴加黃檗知母二日陽明太陰大柴胡湯三少陽厥陰危甚大承氣加川芎柴胡救之劉宗厚曰傷有兼風兼溼不同表裏俱實俱虛之異大抵俱虛為多脈從陽者可治從陰者難治

歸葛飲

景岳

治陽明溫暑時證大煩大渴津液枯

之方以表

涸陰虛不能作汗等證

當歸

錢三五

乾葛

錢二三

水二盞煎一盞以冷水

浸涼徐徐服之得汗即解

舉斑湯

治瘟疫斑毒內陷

吳又可曰瘟疫邪留血分裡氣壅閉不下

則斑不出出則毒邪從外解矣如下後斑漸出更不可下設有下證宜少與承氣緩服僅大下則元氣不振斑毒內陷則危宜托裏舉斑湯如下後斑毒隱伏反見循衣撮空脈微者本方加人參三錢得補發出者不死

白芍

當歸

錢一

升麻

分五

柴胡

白芷

分七

蘇山甲

錢二

水煎

犀角消毒湯 治瘟疫毒氣發斑痛痒

牛蒡子

炒

防風

二錢

荆芥

一錢

甘草

八分

犀角

磨汁

每

服三錢水煎入犀角汁服

柴葛煎

煎

治瘟疫痘疹表裏俱熱能散毒養陰

方見卷十一上嬰孩門疏邪飲附方

吳氏醫學述第四種成方切用目錄

卷三下

涌吐門

正方八
附方一十六

瓜蒂散

獨聖散
又三聖散

參蘆散

梔子豉湯

梔子
甘草

豉湯

梔子生薑豉湯

梔子乾薑湯

梔子厚

朴湯

梔子大黃湯

枳實梔子豉湯

豉薤湯

犀角

大青湯

吐法

又一

稀涎散

常山

乾霍亂吐方

燒鹽
探吐

法又

搐鼻法

搐鼻如聖散

當歸湯

吳氏醫學述第四種

門人周蘭九生庭

武原吳儀洛遵程輯

男

有榆蒼培同較
有杜雋望

成方切用

涌吐門

邪在表宜汗。在上焦宜吐。在中下宜

而吐。法絕置不用。使遇當吐之證而不行。涌
越。則邪氣壅結而不散矣。經曰。其高者因而
越之。又曰。在上者涌之。丹溪曰。吐中就有發
散之義。張子和曰。諸汗法。古方多有之。惟以
吐發汗者。世罕知之。故予
嘗曰。吐法兼汗。其以此夫。

瓜蒂散

仲景

治卒中痰迷涎潮壅盛顛狂煩亂人

事昏沉五癰痰壅食填太陰欲吐不出亦治諸

黃急黃

卒然發黃心滿氣喘命在須臾日仲景

云病如桂枝證頭不痛項不强寸脈微浮胸中

痞硬氣上衝咽喉不得息此爲胸中有寒也當

吐之宜瓜蒂散諸亡血虛家不可與瓜蒂散

言曰寒者痰也痰飲內動身必有汗加以發熱

惡寒至似中風但頭不痛項不强此非外入之

風乃內蘊之痰室寒胸間也又曰病人手足厥冷
脈乍緊者邪結在胸中心下滿而煩饑不能食

者病在胸中。當須吐之。宜瓜蒂散。手足厥冷。與

厥淡相似。其脈乍緊。則有時不緊。殊不似矣。可見痰結在胸。故滿煩而不能食。亦宜瓜蒂散為吐。

法也。

甜瓜蒂炒黃赤小豆等分。各別搗篩為散。已合

治之。取一錢匕。以香豉一合。熱湯七合。煮稀糜。

取汁和散。溫頓服之。快吐乃止。吐時須令閉目。

緊束肚皮。吐不止者。葱白湯解之。良久不出者。

含砂糖一塊。即吐。諸亡血虛家。老人產婦。挾虛

脈微者。俱不可服。非尺脈絕者。不宜便服此。恐損胃氣。若止胸中窒塞悶亂。

以物探之得吐即止若探不出方以此湯吐之

胸中痰食與虛煩者不同越以瓜蒂之苦涌以

赤小豆之酸吐去上焦有形之物則木得舒暢

天地交而萬物通矣

赤小豆之屬是也赤豆瓜

蒂並能行水滌痰涎頭痛胸滿寒熱脈緊不大

者並宜此散吐之或問何謂木鬱曰厥陰少陽

屬木於令為春乃人身生發之氣也食者陰物

也脾胃者地土也飲食填塞太陰則土盛而反

侮木生氣不得上升而木鬱矣吐去上焦有當
形之物則木得條達而遂其升生之氣矣
用而胃弱者改用參蘆
除赤豆名獨聖散 仲景曰太陽中暈身熱疼

重而脈微弱此以夏月傷冷水水行皮中所致

也

劉宏璧曰仲景於此病用一物瓜蒂散去胸中之水且變散為湯并無賴於赤小豆與漿

水者蓋以一物驅逐其水則陽氣行而身重疼熱立解矣此則內因也由是推之如傷霧露之

從乎上者可內鼻而解地溼之從乎下者利小便而解上溼下流與下溼上甚為熱者可一

汗而解也除赤豆加防風藜蘆名三聖散和除赤豆

加鬱金韭汁鵝翎探吐亦名三聖散治中風風

痼痰厥頭痛除赤豆加全蠍五分吐風痰加淡

豉治傷寒煩悶

瓜蒂梔豉皆吐劑要知瓜蒂吐痰食宿寒梔豉吐虛煩客熱如

未經汗下邪鬱胸膈而痞滿者謂之實宜瓜蒂散此重劑也已經汗吐下邪乘虛客胸中而懊

懷者宜施鼓湯此輕劑也。丹溪用瓜蒂梔子
苦參黎蘆等累吐許白雲不透後以附子尖和
漿水與之始
得大吐也。

參蘆散 治虛弱人痰涎壅盛

人參蘆 爲末水調一二錢或加竹瀝滑痰和服

服後以物微探吐之如不探亦未必吐也

病人虛羸故以參蘆代黎蘆瓜蒂宣猶帶補不

致耗傷元氣也。丹溪曰人參補陽中之陰蘆反瀉太陰之陽亦猶麻黃苗能發

汗根能上汗也

梔子鼓湯景什

治傷寒汗吐下後虛煩不眠刺者

反覆顛倒心中懊懣及大下後身熱不退心下

結痛或痰在膈中

汗吐下後正氣不足邪氣乘虛結於胸中故煩熱懊懣煩

熱者熱而煩擾懊懣者懊懣煩悶也晝動為陽夜臥主陰陽熱未散陰氣未復故不得眠身熱去而心結痛者客熱散熱盡入裏則為結胸熱不去而結痛者客熱散熱盡入裏則為結胸熱仍在表故當發之

梔子

十四枚

淡豉

四合

服令微吐

煩為熱勝梔子苦寒色赤入心故以為君淡豉

苦能泄熱腐能勝焦

腎氣為腐心氣為焦助梔子以吐虛煩故以為臣酸苦涌泄為陰也此吐

子以吐虛煩故以為臣酸苦涌泄為陰也此吐

無形之虛煩若膈有實邪當用瓜蒂散

海藏曰煩氣也

躁血也。煩出於肺，躁出於腎。故用梔子治肺煩，香豉治腎躁。亦用作吐藥，以邪在上焦。吐之則邪散。經所謂在上者因而越之也。或問煩躁皆心爲之，何謂煩出於肺，躁出於腎？曰：熱則煩，熱甚則躁。煩爲陽，躁爲陰。大抵皆心火爲病。火旺則金燥而水虧，惟火獨在。故肺腎合而爲煩躁。仲景曰：病人舊微溇者，不可輿服。喻嘉言曰：舊微溇則大腑易動，服此方不能上湧，反爲下泄矣。緣內經有先泄而後生他病者，治其本必先調之。後乃治其他病，故此示戒。又曰：諸梔豉一法，證顯實煩虛煩之不同，要皆可用以湧其餘熱。乃因汗吐下後胸中陽氣不足，最虛之處，便是容邪之處。正宜因其高而越之。爾若謂津液內竭，正氣暴虛，餘邪不盡，則仲景原有炙甘草湯一法，寧敢妄湧以犯虛虛之戒耶？

加甘草名梔子甘草豉湯

仲景

治前證少氣者

劉宏

璧曰少氣則加甘草以和中。人皆知之。然既少氣。謂是悞。後中虛。雖邪氣未退。敢用梔豉以湧吐之乎。乃知此證之少氣。緣外邪內陷。洵是熱傷元氣。而不與但內弱者同。此甘草所以不炙而用也。

加生薑名梔子生薑豉湯景仲治前證兼嘔也。

者辛以散逆除淡豉加乾薑名梔子乾薑湯景仲治傷

寒醫以丸藥大下之身熱不去微煩者喻嘉言曰丸藥

大下徒傷其中而不能蕩滌其邪故梔子合乾薑用之亦溫中散邪之法也。除淡豉

加厚朴枳實名梔子厚朴湯景仲治傷寒下後心

煩腹滿卧起不安者喻嘉言曰滿而不煩即裏證已具之實滿煩而不滿

即表證未罷之虛煩合而有之且卧起不安明是邪乘胸表腹裏之間無可奈何之象故取梔

子以快湧其邪。而合厚朴枳實以泄腹中之滿。亦表裏兩解之法也。加枳實大黃。

名施子大黃湯。

仲景

治酒疸發黃心中懊懣或熱

痛亦治傷寒食復。

輕則消導重乃攻下。

加枳實名枳實梔

子豉湯。

仲景

治傷寒勞復。

大病瘥後起居作勞復生餘熱為勞復傷食者。

為食復。

加薤白名豉薤湯。

張文仲

治傷寒下利如爛

肉汁赤滯下伏氣腹痛諸熱證。

梔豉苦寒能升能散薤白辛溫。

能開胸痹及大腸氣滯。

加犀角大青名犀角大青湯治斑

毒熱甚頭痛。

吐法。

此方可代瓜蒂三聖之屬凡邪實上焦或

痰或食或氣逆不通等證皆可以此代之

蘿蔔子搗碎以溫湯和攪取淡湯徐徐飲之少頃即當吐即有吐不出者亦從下行矣

一法以蘿蔔子爲末溫水調服一匙良久吐涎沫愈

稀涎散 治中風暴仆痰涎壅盛氣閉不通先通

其關令微吐稀涎續進他藥不可令大吐醒後不可大投藥餌緩

緩調治過恐傷人亦治喉痺不能進食

皂角四挺去皮弦炙白礬一兩爲末溫水調下五分或

加藜蘆

藜蘆能吐風痰。善通頂。令人嘔。

吳鶴皋曰。清陽在上。濁陰在下。天冠地履。無暴仆也。若濁邪逆上。則清陽失位。而倒置矣。故令人暴仆。所以痰涎壅塞者。風盛氣湧使然也。經曰。病發於不足。標而本之。先治其標。後治其本。故不與疎風補血。而先吐其痰涎。白礬酸苦能涌泄。鹹能軟頑痰。故以爲君。皂角辛能通竅。鹹能去垢。專制風木。故以爲使。固奪門之兵也。師曰。凡吐中風之痰。使咽喉疎通。能進湯藥。便止。

若盡攻其痰。則無液以養筋。令人攣急偏枯。此

其禁也。丹溪曰。胃氣亦賴痰以養。不可盡攻。攻盡則虛而愈劇。

張子和加藜蘆常山甘草名常山散吐痰痰草

合常山必吐

乾霍亂吐方三治乾霍亂欲吐不得吐欲瀉不

得瀉腹中大痛者。霍亂揮霍擾亂也。外有所感。內有所傷。陰陽乖隔。邪正交

爭。故上吐下瀉而中絞痛也。邪在上焦則吐。在下焦則瀉。在中焦則吐瀉交作。此溼霍亂證。輕易治。若不能吐瀉。邪不得出。壅遏正氣。關格陰陽。其死甚速。俗名攪腸沙。切勿與穀食。即米飲

下咽亦死。

燒鹽 熱童便 三飲而三吐之

吐瀉不得邪結中焦鹹能軟堅可破頑痰宿食

炒之則苦故能涌吐童便本人身下降之氣引

火下行乃其舊路味又鹹寒故降火甚速此由脾土

鬱極而不得發以致火熱內擾陰陽不交而然鹽涌於上溺泄於下則

中通矣方極簡易而有回生之功不可忽視經

日鹽調童便非獨用以降陰之不通也陰既不通血亦不行兼用行血藥也

單用燒鹽熱水調飲以指探吐名燒鹽探吐法

治傷食痛連胸膈痞悶不通手足逆冷尺脈全

無

食填太陰抑遏膽肝之氣不得上升兩實相搏故痛連胸膈陽氣不舒故手足逆冷下焦

隔

絕故尺脈不至鹹潤下而軟堅能破積聚又能宣通使不化之食從上而出則塞者通矣亦

木

鬱達之也經曰上部有脈下部無脈其人當吐不吐者死或曰食填太陰胸中痞亂兩寸脈

當

用事今反尺脈不見其理安在曰獨陽不生獨陰不長天之用在於地下則萬物生長地之

獨

陰在於天上則萬物收藏此乃天地交而萬物

通

也故陽火之根本於地下陰水之源本於天上五臟主有形之物物者陰也陰者水也食塞

於

上其是絕五臟之源源絕則水不下流兩尺之

絕

此其理也千金用此法三飲三吐通治霍亂壅毒

理

也千金用此法三飲三吐通治霍亂壅毒

宿

食腹痛冷氣鬼氣此且日此法大勝用藥凡有

宿

食腹痛冷氣鬼氣此且日此法大勝用藥凡有

食

厭若作中風中氣治之死可立待宜先以鹽

中

食證忽然厥逆口不能言肢不能舉者名曰

食

厭若作中風中氣治之死可立待宜先以鹽

食

厭若作中風中氣治之死可立待宜先以鹽

吐之再用消食導氣之藥。

一法用鹽少許於熱鍋中炒紅色乃入清水煮至將滾未滾之際攪勻試其滋味稍淡乃可飲之每用半碗漸次增飲自然發吐以去病爲度而止

又法凡諸藥皆可取吐但隨證作湯劑探而吐之無不可也

搐鼻法 溼家鼻塞頭疼或頭額兩太陽痛宜行此法

凡云二字
者二分半
也取一文
四字之義

苦瓜帶不拘多少為末令病人嚙水一口將此藥一字吹入鼻中出黃水愈

溼家頭疼是濁邪干清陽之分也鼻者氣竅上通於腦下屬於肺濁邪干之故清竅不利瓜帶苦而善湧瀉鼻竅受之則能出濁邪而瀉溼熱經曰客者除之此之謂也

搐鼻如聖散 治纏喉急痺牙關緊閉

皂角

去皮

白礬

雄黃

藜蘆

為末搐鼻

當歸湯

吐虛痰

體弱痰乾而吐不出者此方神効雖吐而絕不傷氣血也

當歸

錢五

甘草

頭

錢一

參

蘆

錢一

逆

流

水

煎